

spatio mirabiles & admirandos saltus faceret, ut semper tortuosus, vagabundus, imò reciprocus motus, confuso ordine, absque omni lege & proportione describeretur, ibi Cometa non est. Sed in aëre Cometa necessariò brevissimo temporis spatio &c. E.
In aëre Cometa non est.

§. XI. *Tertia*: Ubi Cometa non diutius duabus horis supra horizontem commorari potest, sed in tantillo temporis spatio necessario oritur & occidit, ibi non est locus ejus.

Atqvi in aëre Cometa non diutius duabus horis &c. E.

§. XII. *Quarta*: Ubi Cometa non potest fieri perpetuæ apparitionis, ibi non est locus ejus.

Atqvi in aëre Cometa non potest fieri perpetuæ apparitionis. E.

§. XIII. *Quinta*: Ubi mirum in modum tam Longitudines & Latitudines, quàm ascensiones rectæ & declinationes unâ nocte mutarentur, sic ut nunc prope hanc, nunc prope illam, in diversis cœli plagis promiscuè, tum circulum parallacticum 24° . describere videretur Cometa, ibi non est locus ejus.

Atqvi in aëre mirum in modum &c. E. in aëre non est locus ejus.

§. XIV. *Sextò* Patet id ex Parallaxibus, quia nunquam in Cometis talis diversitas aspectûs est deprehensa, qualem in aëre referrent; posito etiam, quod non solum Cometas supra altissimum crepusculum, verùm etiam ad 10. vel 20. milliaria Germanica eye-hamus, nihilominus ibidem 3. 4. imò 5. grad. parallaxes haberent. Imò licet Cometam ad Lunam usque deducamus, attamen in altitudine ab Horizonte 28° . parallaxin adhuc 55^{\prime} possedisset.

§. XV. *Septimò* tandem ratione Parallaxeos diversorum horizontum nullò modò in aëre hæere Cometa potest. Nam Parallaxis notaretur. Alia ut taceamus.

§. XVI. *Alteri quæstioni* itidem non unò modò satisfaciunt Doctores. Nam si ad cœli Systema respicias, supra spheram Saturni infra fixas eos ponit Antonius le Grand β). Rationem hanc dat: Nam Comete tam immania sunt corpora, tantoque impetu feruntur, ut vastum illud spatium, ad omnes suas excursionses absolvendas requirant: neque adinveniri alia loca queant, quæ commodiùs illorum motibus infervire possint.

β) *Histor. Naturalis* parte III. articul. XI. de Cometis not. marg. II. p. 129. Editionis Londinensis. Consentit cum hoc Jacobus Rohaultus Tractatûs Phisici parte II. c. XXVI. p. 469. qvi Renato des Cartes hanc opinionem quoque tribuit.

§. XVII.